



ԵՐԾՈՎԴԻԱՅԻ ՔՈՒՑՐ ԵԿԵՂԵՑՈՒ ՊԱՏԿԻՐԱԿԱՌԻԹՅՈՒՆԸ ՄԱՅՐ ԱՐՈՌՈՒՄ

Վեհափառ Հայրապետի հրավերով, հուլիսի 1-ին և 2-ին Մայր Աթոռ Ս. Էջմիածին այցելեց Եթովպիայի քոչր Եկեղեցու պատվիրակությունը, որի կազմում էին Գոնդավի Պետրոս արքեպիսկոպոսը, Ադուայի Ամենասուրբ Երրորդության վանքի վանահայր Մելաքե Բերհանատ Վուլդե Հավալիատ վարդապետը, Ադդիս-Աբեբայի Աստվածաբանական դպրոցի դիրեկտոր պր. Սամվել Տերրեֆեն և Ադդիս-Աբեբայի համալսարանի փիլիսոփայության և կրթության դասախոս դոկտ. Էզուալե Գաբրե-Իոհանիս:

Պատվիրակության ուղեկցում էր Մոսկվայի և Համայն Ռուսաց Պատրիարքարանի ներկայացուցիչ Հայր Ֆիլարետը:

Երևանի օդանավակայանում պատվիրակության դիմավորեցին Արարատյան թեմի առաջնորդական փոխանորդ հոգեշնորհ Տ. Վահան վարդապետ Տերյանը և Մայր Աթոռի դիվանապետ պր. Հայկ Առաքելյանը:

Հարգելի հյուրերը հետմիջօրեի ժամը 2-ին ժամանեցին Մայր Աթոռ և Մայր Տաճարի առաջ ջերմորեն դիմավորվեցին միաբանության և Հոգևոր ձեռնարանի ուսանողության կողմից և առաջնորդվեցին Մայր Տաճար՝ իրենց ուխտն ու աղոթքը կատարելու:

Այնուհետև պատվիրակությունը առաջնորդվեց Վեհարան: Վեհափառ Հայրապետը անձամբ ողջունեց և ընդունեց հյուրերին և զրույց ունեցավ նրանց հետ:

Ապա հյուրերը ժանոթացան Մայր Աթոռի ներքին կյանքին, եղան Մայր Տաճարում,

ձեռնարանում, գրադարանում, դիտեցին եկեղեցական իրերի արվեստի նմուշները, ինչպես նաև եղան Էջմիածնի բոլոր պատմական սրբավայրերում:

Հուլիսի 2-ին, կիրակի, Մայր Տաճարում հանդիսավոր սուրբ պատարագ մատուցեց Վրաստանի հայոց թեմի առաջնորդ գերազնորհ Տ. Կոմիտաս եպիսկոպոս Տեր-Ստեփանյանը: Սուրբ պատարագին ներկա էին Վեհափառ Հայրապետը, ինչպես նաև Եթովպական քոչր Եկեղեցու պատվիրակության անդամները, Գերագույն Հոգևոր Խորհրդի և Վերստուգիչ հանձնաժողովի անդամները, ուխտավորներ ԱՄՆ-ից, որոնց թվում Օհայո նահանգի Միշիգանի համալսարանի անգլերեն լեզվի և գրականության դասախոս պրոֆ. Էմմանուել Վարանդյանը և տիկին Բեկյանը:

Հավարտ սուրբ պատարագի, Վեհափառ Հայրապետի առաջնորդությամբ, հյուրերը բարձրացան Վեհարան, ուր տեղի ունեցավ ջերմ զրույց Վեհափառ Հայրապետի և նրանց միջև:

Ժամը 3-ին Վեհարանի սեղանատանը կազմակերպվեց ընդունելություն Եթովպական Եկեղեցու պատվիրակության պատվին: Սեղանը օրհնեց Վեհափառ Հայրապետը և առաջին բաժակը առաջարկեց Եթովպիայի Պատրիարք Նորին Սրբություն Աբունա Բասիլիոսի և Եթովպիայի Եկեղեցու պատվիրակության կենսացը: Երկրորդ բաժակը Վեհափառ Հայրապետը առաջարկեց Ռուս Պրոխորով Եկեղեցու Մոսկվայի և Համայն

Ռուսիո Պատրիարք Ալեքսիի կենացը: Գերաշնորհ Տ. Հայկազուն արքեպիսկոպոսը բաժակ բարձրացրեց Վեհափառ Հայրապետի կենացը: Գերապատիվ Տ. Պետրոս արքեպիսկոպոսը խոսեց Հայ և Եթովպական քույր եկեղեցիների անցյալում և ներկայիս սրտագին փոխհարաբերությունների և Եթովպիայի հայ գաղութի բերած օգտակար նպաստի մասին Եթովպիայի զարգացման բնագավառում:

Հանուն Գերագույն Հոգևոր Խորհրդի, հյուրերին ողջունեց նաև դոցենտ Ա. Տիրացյանը:

Խոսք առավ նաև տիկին Բեկյանը, որ հուշեր պատմեց 1915 թվականի մեծ եղեռնից, այն կապելով այսօրվա Մայր Հայրենիքի վերելքին և Ս. Էջմիածնի անսասանության:

Խորունկ հետաքրքրությամբ լսվեց պրոֆ. Էմմանուել Վարանդյանի հայրենաշունչ խոսքը Ս. Էջմիածնի և Մայր Հայրենիքի

աննախընթաց ծաղկման և հայ ժողովրդի պայծառ ապագայի մասին:

Վեհափառ Հայրապետի հրավերով, սեղանը օրհնեց գերապատիվ Տ. Պետրոս արքեպիսկոպոսը:

Այնուհետև Վեհարանում շարունակվեց ղրուլցը:

Այցելության վերջում և հրաժեշտի պահին, Վեհափառ Հայրապետը արժաթյա քանդակազարդ հուշանվեր պնակներ նվիրեց Եթովպացի երկու հոգևորականներին և Երևանի ալբոմներ՝ պատվիրակության աշխարհիկ անդամներին:

Եթովպացի մեր թանկագին հյուրերը, և՛ շաբաթ և՛ կիրակի օր, իրենց ազատ ժամերին ծանոթացան նաև Երևանի տեսարժան վայրերին:

Եթովպական քույր եկեղեցու պատվիրակությունը Մայր Աթոռ Ս. Էջմիածնից մեկնեց հուլիսի 3-ին, երկուշաբթի առավոտ:

